



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



PSH.nr. 286/19

PANELI SHQYRTUES, i emëruar nga Kryetari i OSHP-së në bazë të nenit 105 dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/L-068, dhe Ligjin 05/ L-092, në përbërje z. Goran Milenković– Kryetar, z. Nuhi Paçarizi - Referues, z. Blerim Dina – Anëtar, duke vendosur sipas ankesës së parashtruar nga operatori ekonomik: NTP “Medica” ShPK, - Prishtinë, kundër njoftimit për dhënie të kontratës, ku është rekomanduar për kontratë konzorciumi: “Roymed & Kosova Med “- Prishtinë, lidhur me aktivitetin e prokurimit me titull prokurimit: “Furnizim me Material Shpenzues nga Lista Esenciale për FSSH”, me numër të prokurimit 206-19-24-111, iniciuar nga Autoriteti Kontraktues –Ministria e Shëndetësisë, /MSH/, më datën: 03.07.2019, mori këtë:

V E N D I M

I. APROVOHET, pjesërisht si e bazuar ankesa e operatorit ekonomik NTP “Medica” ShPK, - Prishtinë, lidhur me aktivitetin e prokurimit me titull: “Furnizim me Material Shpenzues nga Lista Esenciale për FSSH”, me numër të prokurimit 206-19-24-111, iniciuar nga Autoriteti Kontraktues –Ministria e Shëndetësisë, /MSH/.

II. ANULOHET, njoftimi për dhënie të kontratës me titull: “Furnizim me Material Shpenzues nga Lista Esenciale për FSSH”, me numër të prokurimit 206-19-24-111, iniciuar nga Autoriteti Kontraktues – Ministria e Shëndetësisë, /MSH/, dhe lënda kthehet ne **Rivlerësim**.

III. Autoriteti Kontraktues në afat prej 10 ditësh duhet ta informoj me shkrim Panelin Shqyrtues për të gjitha veprimet e ndërmarra lidhur me këtë aktivitet të prokurimit.

IV. Mos respektimi i këtij vendimi, detyron Panelin shqyrtues që konform dispozitave ligjore të nenit 23.9 dhe 131 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, të ndërmarr masa ndaj Autoritetit Kontraktues.

V. Me qenë se ankesa e operatorit ekonomik ankues NTP “Medica” ShPK, - Prishtinë, aprovohet si pjesërisht si e bazuar, i bëhet kthimi i tarifës së ankesës në shumën e deponuar me rastin e parashtrimit të ankesës.

VI. Obligohet operatori ekonomik ankues që konform nenit 33 pika 6 të rregullores së punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën ju bëhet konfiskimi i depozitës dhe këto mjete kalojnë në Buxhetin e Republikës së Kosovës.

A R S Y E T I M

Data e publikimit të njoftimit për kontratë është bërë me dt: 28.01.2019.

Afati i fundit për dorëzimin e ofertave është bërë me dt: 15.03.2019

Data e Kërkesa për rishqyrtim është bërë me dt: 17.05.2019.

Data e vendimit të Autoriteti Kontraktues MSH, lidhur me kërkesën për rishqyrtim është bërë me dt: 31.05.2019 .

Operatori ekonomik ankues NTP “Medica” ShPK, - Prishtinë, si palë e pa kënaqur, ka deponuar ankesë në OSHP, me 07.06.2019, me nr. 286/19, kundër njoftimit për dhënie të kontratës, lidhur me aktivitetin e prokurimit me titull “Furnizim me Material Shpenzues nga Lista Esenciale për FSSH”, me numër të prokurimit 206-19-24-111, iniciuar nga Autoriteti Kontraktues –Ministria e Shëndetësisë, /MSH/ , duke pretenduar se janë shkelur dispozitat.

- Autoriteti kontraktues ka vepruar në kundërshtim me nenin 1,7, 59, 60,71,dhe 108/A, të Ligjit për Prokurimin Publik të Republikës së Kosovës, si dhe nenin 18, dhe 27, të Rregullat dhe Udhëzuesi Operativ për Prokurim Publik.

Organi Shqyrtues i Prokurimit, konform nenit 113 dhe 114 të LPP-së, me datë: 14.06.2019, ka autorizuar ekspertin shqyrtues të prokurimit si dhe ekspertin të jashtëm teknik për të shqyrtuar vlefshmërinë e të gjitha pretendimeve të palës ankimore.

Eksperti i jashtëm teknik dhe eksperti shqyrtues në raportin e dt: 20.06.2019, Sqaron: Autoriteti Kontraktues /Ministria e Shëndetësisë (MSH), gjatë këtij aktiviteti të prokurimit ka zbatuar procedurë të

hapur, lloji i kontratës është furnizim, kontratë publike (kornizë – 12 muaj) me vlerë të madhe. Pretendimet ankimore kanë të bëjnë kundër propozimit për dhënie të kontratës.

Kundër të njëjtit propozim parashtruesi i ankesës OE “Medica” ShPK, me datën 17.05.2019, ka paraqitur kërkesë për rishqyrtim tek AK – MSH, me pretendimet e njëjta ankimore si në OSHP, përderisa AK – MSH, me datën 31.05.2019, përmes përgjigjes, ka refuzuar kërkesën si të pa bazuar.

Përgjigje në pretendimin ankimor. nr. 1 (Neni 113) OE ankues pretendon që OE i rekomanduar për kontratë nuk e ka përmbushur kërkesën e AK-së që e obligon të instalojë printerët pasi që ka kërkuar qasje direkte në pajisje si dhe username dhe password për të bërë instalimin dhe kjo përbën ndryshim material apo devijim sipas OE ankues.

Eksperti teknik sqaron se pasi që printerët duhet të instalohen në pajisjet e AK-së përkatësisht njësive spitalore të specifikuar si në dosjen e tenderit është evidente që për instalimin e tyre, janë të domosdoshme kredencialet (username dhe password) që kanë autorizim për të bërë instalimin (zakonisht kredencialet e Administratorit), kjo pjesë e deklaratës nuk e ndryshon materien e kërkesës, mirëpo e kushtëzon teknikisht instalimin duke potencuar nevojën për sigurimin e qasjes adekuate me nivel të autorizimit përkatës, për të bërë instalimin, transferimin e fajllave programor të pajisjes periferike, në këtë rast printerëve dhe komunikimin respektiv ndërmjet pajisjeve për të kryer funksionin. Andaj, bazuar në sqarimin e mësipërm, pretendimi ankimor është i paqëndrueshëm.

Përgjigje në pretendimet ankimore: nr. 2. OE ankues pretendon se OE i rekomanduar për kontratë ka lidhshmëri me grupin e OE “Kosovamed Helathcare” dhe “Olgun Medikallnshaat” dhe kjo bie në kundërshtim me LPP, përkatësisht nenin 71, pasi që z. Kastriot Asllani është pronar i kompanisë “Kosovamed Helathcare” dhe menaxher operacional tek kompania “Raymed”.

Sipas shkresave të lëndës rezulton që emri i njëjtë i z. Kastriot Asllani, të jetë i përshkruar tek informatat e biznesit dhe përmes shkresave tjera, (edhe pse nuk mund të konfirmohet nëse bëhet fjalë për të njëjtin person, pasi që nuk kishim të dhëna tjera) tek kompania “Kosovamed Helathcare”, dhe “Raymed” (Kosovamed Helathcare” dhe “Olgun Medikallnshaat”, kanë ofertuar në grup). Sipas paragrafit 2, të nenit 71, të LPP-së, përcaktohet se, nëse një tender dorëzohet nga një grup i tillë, grupi duhet që së bashku me tenderin e tij të dorëzojë një deklaratë të nënshkruar nga secili prej anëtarëve, që konfirmojnë pjesëmarrjen e tyre në grup dhe se ata nuk marrin pjesë në ndonjë grup tjetër që merr pjesë në të njëjtat procedura të prokurimit. Të gjitha autoritetet kontraktuese duhet që ta parashtrojë këtë kusht në dosjet e

tyre të tenderit. Në rast së një anëtar merr pjesë në disa grupe, secili nga grupet përkatëse do të konsiderohen të papërshtatshëm.

Përgjigje në pretendimet ankimore: nr. 3. OE ankues pretendon se AK MSH ka bërë shkelje duke pranuar si të përgjegjshme ofertën e OE të rekomanduar për kontratë pasi që dokumentet janë nënshkruar nga ana e personave jo kompetent për nënshkrim të ofertës dhe te cilët po ashtu nuk kanë prezantuar asnjë autorizim nga OE se kanë këtë të drejtë.

Sipas ofertës së OE, përkatësisht tek informatat e biznesit të kompanisë “Kosovamed” shpk dhe “Raymed” shpk, (të njëjtat kompani kanë dorëzuar ofertë në Grup) ku në te dy kompanitë sipas të dhënave në certifikatën e biznesit si, pronar është z. Xhavit Asllani, përderisa oferta dhe marrëveshja e themelimit të Grupit – Konzorciumit, është lidhur nga persona tjetër përkatësisht nga Leke Kastrati dhe Nderim Kerleshi, ndërsa në ofertë nuk kemi hasur që të njëjtit kanë qenë të autorizuar që të krijojnë dhe dorëzojnë oferte. Sipas nenit 18.3, të Rregullave të UOPP-së, përcaktohet që “...Në rast se personi që nënshkruan dhe dorëzon ofertën nuk është personi kompetent për nënshkrim të ofertës (drejtori i kompanisë), por është i autorizuar nga OE, OE duhet që të dorëzoj me ofertën e tij autorizimin për nënshkrim të ofertës, përndryshe oferta e tij do të refuzohet. AK obligohet që këtë kërkesë ta përcaktojë në DT.

Duke u bazuar në sqarimet e cekura në raport, Eksperti shqyrtues / teknik i propozon panelit shqyrtues që ankesa e OE ankues – NTP “Medica” ShPK - Prishtinë të aprovohet si pjesërisht e bazuar, ndërsa propozimi për dhënie të kontratës të anulohet dhe lënda të kthehet në Rivlerësim.

Operatori ekonomik NTP “Medica” ShPK, - Prishtinë, përmes parashtresës me shkrim të datës: 21.06.2019, ka njoftuar Panelin shqyrtues se pajtohet pjesërisht me raportin e ekspertit shqyrtues.

Autoriteti Kontraktues MSH, përmes parashtresës me shkrim të datës: 24.06.2019, ka njoftuar Panelin shqyrtues se nuk pajtohet me raportin e ekspertit shqyrtues.

Në seancën e shqyrtimit kryesor të datës: 03.07.2019, ku kanë qenë prezent kryetari i paneli shqyrtues, përfaqësuesi i OE ankues, përfaqësuesi i AK-së, eksperti shqyrtues dhe teknik, u shqyrtuan shkresat e lëndës duke e bërë kontrollimin dhe analizimin e dokumentacionit për procedurën e prokurimit i cili përbëhet nga: autorizimi i inicimit të aktivitetit të prokurimit, njoftimi për kontratë, procesverbali mbi hapjen e ofertave, vendimi mbi themelimin e komisionit të vlerësimit të ofertave, raporti i vlerësimit të

ofertave, njoftimi mbi dhënien e kontratës, ankesa e operatorit ekonomik, raporti i ekspertizës të OSHP-së, parashtrirat e palëve në procedurë.

Gjatë prezantimit në seancë përfaqësuesi i OE ankues z. Merovci deklaroj: N.T.P.” Medica” Pajtohet pjesërisht me mendimin e ekspertit, ku kemi pasur 3 pretendime ankimore, deklarojmë se për pretendimin nr 1. Nuk pajtohem me mendimin e ekspertit pasi që konsiderojmë që nuk është shqyrtuar në mënyrë të drejt për arsye se, në këtë rast kemi të bëjmë me printer medicinal dhe jo printer administrative dhe për lidhjen e këtyre printerëve nuk nevojitet username dhe password pasi kemi të bëjmë me konfigurim në pajisje direkt dhe në Spitalet e Kosovës pajisjet ku duhet të lidhen janë mbi 10 prodhues të ndryshëm dhe konfigurimi në to dallon varësisht prodhuesit, tek disa prodhues kërkohe vetëm password i cili nuk ndryshohet asnjëherë, tek disa prodhues passwordat janë me afat dhe në çdo kohë duhet të blihet i ri në disa pajisje nuk nevojitet password po vetëm aftësi e stafit për lidhje të printerëve. OE i rekomanduar për kontratë ka deklaruar se do të lidhe printerët në rast se AK i siguron passwordt, pra ka ndryshim material të dosjes pasi që në dosjen e tenderi ky kriter është kërkuar që OE mbajnë të gjithë përgjegjësin për lidhje mirëmbajtje servisim të printerëve. Dhe në këtë rast sipas deklaratës e OE të rekomanduar AK duhet të ushtroj mbi 10 aktivitete të prokurimit për sigurimin e këtyre passwordve pasi që të gjithë këta kanë kosto, gjithë ashtu një numër i pajisjeve janë modele të vjetra ku edhe në tregun tonë nuk ka kompani që përfaqësojnë këta prodhues ku edhe sigurimin i passwordve nga ana e AK është i pamundshëm. Ky kriter është ndër kryesoret pasi që në rast mos lidhja e printerëve nënkupton dëmtim të buxhetit pasi që AK me në baze të LPP është i obliguar që minimum 70% të bëjë porosi dhe në këtë rast mos lidhja e printerëve nënkupton që një pjesë e madhe e filmave duhet të hudhen nga AK pasi edhe këto si produkte janë me afat skandence. Gjithashtu edhe në pikën tjetër të Deklaratës OE ka deklaruar se do të bëjë Brenda 30 ditëve liferimin, instalimin dhe lëshimin në punë të printerëve (aty ku është e nevojshme dhe kërkesës e AK) kurse në dosjen e tenderit shkruan shumë qartë në formë tabelore se sa është numri i printerëve që duhet të sillen dhe të instalohen pra edhe në këtë pikë ka ndryshim të materialit pasi OE deklaron se do të instalojmë aty ku është e nevojshme dhe kërkesë e AK, kurse në dosje të tenderit është specifikuar shumë qartë me anë të tabelës se ku duhet të liferohen dhe instalohet këta printer Brenda afatit 30 ditë.

OE MEDICA pajtohet me për mendimin e ekspertit për pretendimet 2 dhe 3 në rast se Eksperti Shqyrtues këta pretendime i ka konsideruar si të qëndrueshme pasi që në raportin e ekspertit në këto pretendimet 2 dhe 3 nuk kemi para mendimin e ekspertit shqyrtues, vetëm mendimin përfundimtar që lëndë atë kthehet në rivlerësim. Pra në këto 2 pretendime shihet qartë se kemi të bëjmë me një grup të lidhur dhe gjithë ashtu kemi të bëjmë me nënshkrimin e dokumentacionit nga persona të autorizuar.

Gjatë prezantimit në seancë përfaqësuesi i AK-së z. Thaçi deklaroi: Ne si Autoriteti Kontraktues pajtohem me pikat të cilat i ka aprovuar në raport të ministrit të ekspertit, për pikën 1 nuk qëndrojnë pasi që OE të rekomanduar për kontratë në ofertën e tij ka deklaruar se do të instalojë dhe të lidhë pajisjet ekzistuese, në afat prej 30 ditëve si qeshet kërkuar në DT, Grupi ekonomik ka deklaruar se do të bëjë instalimin e pajisjeve dhe trajnimin e personelit pas nënshkrimit të kontratës, për këtë arsye pretendimi ankimor në pikën 1 nuk qëndron pasi që Grupi i OE të rekomanduar për kontratë aty ku është e nevojshme dhe kërkesa e Autoriteti Kontraktues do të furnizojë me printer siç është afati i liferimit. Për pikën 2 pikë 2 nuk qëndron Autoriteti Kontraktues ka kërkuar Certifikatën IZO jo raportin e Auditimit si i tillë, Raporti i Auditimit është raport i panevojshëm për Autoriteti Kontraktues, kërkesa e Autoriteti Kontraktues ka qenë për IZO, Ankuesi i referohet një dokumenti që është lëshuar në mars të vitit 2018 në të kemi verifikuar të gjitha dokumentet tjera ku nuk figurojnë me menaxhment personi në fjalë. Bazuar në pikën 3 nuk qëndron, duke u bazuar në nenin 72 të LPP-së kemi kërkuar sqarime shpesh nga OE të rekomanduar për kontratë ku ka ofruar dëshmi kontratat e punës për të 2 menaxheret, pasi që në deklaratën për konsorcium kanë përfaqësuesit e tyre që janë menaxher të këtyre 2 kompanive, po ashtu duhet të ketë parasysh se për Lot 1 OE ankues është me të shtrejt për 14.117 euro ndërsa për Lot 2 25.464.60 euro

Gjatë prezantimit në seancë ekspertit shqyrtues z. Bibaj deklaroi: Sa i përket aspektit ligjor në pretendimet ankimore të kemi trajtuar si të bazuara gjithnjë sipas pretendimeve ankimore pasi që për këtë AP ka oferta që kanë ofertuar në konsorcium dhe sipas kësaj rezultoi se Emri i personit të caktuar fizik të jetë në njërin anë pronar dhe në anën tjetër Menaxher për të dy ofertat një gjë e tillë sipas paragrafi .2 të nenit 71 të LPP-së, nuk lejohet të ofrojnë me 2 oferta, pretendimi tjetër ka të bëjë me dorëzim ose nënshkrim të ofertës se OE të propozuar për dhënie të kontratës ku e njëjta oferte nuk është dorëzuar nga pronari i kompanisë por nga zyrtar të tjerë të kompanisë ndërsa në shkresë të ofertës nuk ka pasur autorizim që të njëjtit mund të dorëzojnë oferte edhe ky veprim sipas nenit 18.3 të RrUOPP-së, është i ndaluar, për pretendimet teknike vazhdon kolegu Spahiu si ekspert Teknik.

Gjatë prezantimit në seancë Eksperti Teknik z. Spahiu deklaroi: Eksperti teknik thekson se qëndron pranë raportit të ekspertizës. Më tej eksperti sqaroi se pasi që printerët duhet të instalojnë në pajisjet e AK-së përkatësisht njësive spitalore të specifikuar si në dosjen e tenderit është e evidente që për instalimin e tyre, janë të domosdoshme kredencialet (username dhe password) që kanë autorizim për të bërë instalimin (zakonisht kredencialet e Administratorit), kjo pjesë e deklaratës nuk e ndryshon materien e kërkesës, mirëpo e kushtëzon teknikisht instalimin duke potencuar nevojën për sigurimin e qasjes adekuate me nivel të autorizimit përkatës, për të bërë instalimin, transferimin e fajllave programor të pajisjes periferike, në

këtë rast printerëve dhe komunikimin respektiv ndërmjet pajisjeve për të kryer funksionin. Andaj, bazuar në sqarimin e mësipërm, pretendimi ankimor është i paqëndrueshëm. Ne aspektin teknik është e refuzuar ankesa, ndërsa ne aspektin administrativ është ne rregull.

Në fjalën përfundimtare përfaqësuesi i OE-së z. Merovci deklaroj: Kërkojmë nga paneli shqyrtues që të obligoj AK që lëndën ta kthejë në rivlerësimin dhe të marrë parasysh pretendimet tona si të qëndrueshme dhe OE i rekomanduar për kontratë të shpallet i papërgjegjshëm.

Ne fjalën përfundimtare përfaqësuesi i AK-së z. Thaçi deklaroj: I propozojmë panelit të mbetet në fuqi vendimi i AK.

Paneli shqyrtues pas shqyrtimit të shkresave të lëndës, shqyrtimit të pretendimeve ankimore të OE ankues, konstatimeve, analizës konkrete dhe rekomandimeve të ekspertit shqyrtues, dhe ekspertit teknik deklarimit të palëve në procedurë, diskutimeve dhe shoshitjes së provave në tërësi gjatë seancës për shqyrtim kryesor, sqaron se OE ankues NTP "Medica" ShPK, - Prishtinë, pretendon që OE i rekomanduar për kontratë "Roymed & KosovaMed – Prishtinë, nuk e ka përmbushur kërkesën e AK-së, që e obligon të instalojë printerët pasi që ka kërkuar qasje direkte në pajisje si dhe username dhe password për të bërë instalimin dhe kjo përbën ndryshim material apo devijim sipas OE ankues.

Paneli shqyrtues konform eksperti të jashtëm teknik konstaton se pretendimi i lartpërmendur është i paqëndrueshëm, për faktin se printerët duhet të instalohen në pajisjet e AK-së, përkatësisht njësive spitalore të specifikuar si në dosjen e tenderit është evidente që për instalimin e tyre, janë të domosdoshme kredencialet (username dhe password) që kanë autorizim për të bërë instalimin (zakonisht kredencialet e Administratorit), kjo pjesë e deklaratës nuk e ndryshon materien e kërkesës, mirëpo e kushtëzon teknikisht instalimin duke potencuar nevojën për sigurimin e qasjes adekuate me nivel të autorizimit përkatës, për të bërë instalimin, transferimin e fajllave programor të pajisjes periferike, në këtë rast printerëve dhe komunikimin respektiv ndërmjet pajisjeve për të kryer funksionin.

Sa i përket pretendimit të OE ankues NTP "Medica" ShPK, - Prishtinë, se OE i rekomanduar për kontratë "Roymed & KosovaMed – Prishtinë, ka lidhshmëri me grupin e OE "Kosovamed Helathcare" dhe "Olgun MedikalInsaat" dhe kjo bie në kundërshtim me LPP, përkatësisht nenin 71, pasi që z. Kastriot Asllani është pronar i kompanisë "Kosovamed Helathcare" dhe menaxher operacional tek kompania "Raymed".

Paneli shqyrtues konform eksperti shqyrtues sqaron se sipas shkresave të lëndës rezulton që emri i njëjtë i z. Kastriot Asllani, të jetë i përshkruar tek informatat e biznesit dhe përmes shkresave tjera, (edhe pse nuk

mund të konfirmohet nëse bëhet fjalë për të njëjtin person, pasi që nuk kishim të dhëna tjera) tek kompania “Kosovamed Helathcare”, dhe “Raymed” (Kosovamed Helathcare” dhe “Olgun Medikallnşaat”, kanë ofertuar në grup). Sipas paragrafit 2, të nenit 71, të LPP-së, përcaktohet se, nëse një tender dorëzohet nga një grup i tillë, grupi duhet që së bashku me tenderin e tij të dorëzojë një deklaratë të nënshkruar nga secili prej anëtarëve, që konfirmojnë pjesëmarrjen e tyre në grup dhe se ata nuk marrin pjesë në ndonjë grup tjetër që merr pjesë në të njëjtat procedura të prokurimit. Të gjitha autoritetet kontraktuese duhet që ta parashtojnë këtë kusht në dosjet e tyre të tenderit. Në rast se një anëtar merr pjesë në disa grupe, secili nga grupet përkatëse do të konsiderohen të papërshtatshëm.

Sa i përket pretendimit të OE ankues NTP “Medica” ShPK, - Prishtinë, se autoriteti kontraktues MSH, ka bërë shkelje duke pranuar si të përgjegjshme ofertën e OE të rekomanduar për kontratë pasi që dokumentet janë nënshkruar nga ana e personave jo kompetent për nënshkrim të ofertës dhe te cilët po ashtu nuk kanë prezantuar asnjë autorizim nga OE se kanë këtë të drejtë.

Paneli shqyrtues konform ekspertit shqyrtues sqaron se sipas ofertës së OE, përkatësisht tek informatat e biznesit të kompanisë “Kosovamed” shpk dhe “Raymed”shpk, (të njëjtat kompani kanë dorëzuar ofertë në Grup) ku në te dy kompanitë sipas të dhënave në certifikatën e biznesit si, pronar është z. Xhavit Asllani, përderisa oferta dhe marrëveshja e themelimit të Grupit – Konzorciumit, është lidhur nga persona tjetër përkatësisht nga z.Leke Kastrati dhe z.Nderim Kerleshi, ndërsa në ofertë nuk kemi hasur që të njëjtit kanë qenë të autorizuar që të krijojnë dhe dorëzojnë oferte. Sipas nenit 18.3, të Rregullave të UOPP-së, përcaktohet që “...Në rast se personi që nënshkruan dhe dorëzon ofertën nuk është personi kompetent për nënshkrim të ofertës (drejtori i kompanisë), por është i autorizuar nga OE, OE duhet që të dorëzojë me ofertën e tij autorizimin për nënshkrim të ofertës, përndryshe oferta e tij do të refuzohet. AK obligohet që këtë kërkesë ta përcaktojë në DT.

Paneli shqyrtues duke u bazuar në shkresat e lëndës si dhe sqarimet e ekspertit shqyrtues dhe ekspertit profesional teknik, konstaton se ekzaminimi, vlerësimi dhe krahasimi i ofertave nuk është bërë konform nenit 59 të LPP-së, dhe njëkohësisht obligon autoritetin kontraktues MSH, që gjatë rivlerësimit konform nenit 59.2 dhe 72 të LPP-së, të vërtetojë dhe të kërkojë sqarime shtesë se dëshmitë e ofruara nga OE i rekomanduar për kontratë konzorciumi: “Roymed & KosovaMed - Prishtinë, a janë në pajtim me nenin 71 të LPP-së, si dhe me nenin 18.3 të Rregullave të UOPP-së. Gjithashtu të vërtetojë se operatori ekonomik i rekomanduar për kontratë konzorciumi në fjalë a i ka plotësuar kërkesat e dosjes së tenderit dhe të njoftimit për kontratë ashtu siç ka kërkuar autoriteti kontraktues në FDT.

Paneli shqyrtues sqaron se autoritetet kontraktuese janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit ashtu siç parashihet në nenin 6 të LPP-së.

Gjithashtu paneli shqyrtues sqaron se autoriteti kontraktues duhet të ketë në konsideratë edhe nenin 1 të LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Paneli shqyrtues konform nenit 117 të LPP-së, si dhe duke u bazuar në provat e prezantuara si më lart vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet vetëm Gjykatës themelore-Departamentit për çështje Administrative për kompensim dëmi ne afat prej 30 ditësh nga data e pranimit të vendimit .

Kryesuesi i Panelit Shqyrtues
Z. Goran Milenković



Vendimi t'i dorëzohet:

1x1 AK – Ministria e Shëndetësisë

1x1 OE- NTP “Medica” ShPK, - Prishtinë

1x1 Arkivës së OSHP-së;

1x1 Për publikim në web- faqe të OSHP-së.